

《續修四庫全書》編纂委員會編

續修四庫全書

上海古籍出版社

五三五・史部・傳記類

本朝分省人物考一百十六卷（卷六十四至卷一百）

〔明〕過庭訓撰

2670/05

人物考卷之六十四目錄

江西吉安府二

陳廉 附陳昌

孫 鼎

胡 廣

楊士奇

陳 雷

彭 豫

彭 琉

梁 洞

陳 循

錢習禮

余學夔

朱與言

羅汝敬

郭 循

李 禎

李時勉

本朝分省人物考 卷六十四目錄

周 忱

羅 通

劉 髦

劉子輔

劉 益

劉廣衡

劉 球

鄒 緝

羅 肅

嚴 樞

張 洪

羅 俊

張宗璉



本朝分省人物考卷之六十四

江西吉安府二

陳廉字孟潔泰和人幼時穎敏過人讀書日千餘言

通其大義十二治詩經下筆為文章粲然有聲譽於

長者其事親能適其心未嘗得一錢以入私室

父孔碩從子有怨家欲報孟省孟省已卒則構誣詞

嫁禍孔碩廉憤曰無父焉用我為伏訴闕下孔碩得

白不陷於誣孔碩沒撫育弟妹甚厚宗戚故舊有急

趨赴之恒恐不及平生為人排難解紛不可數計而

本朝分省人物考 卷六十四

不為勞磊落豁達喜交際四方賢士大夫過泰和者

必造其廬傾倒而後去永樂乙酉以國子生中應天

府鄉試明年中會試禮部擢第二甲進士授翰林庶

吉士與脩永樂大典為校正官性嗜酒雖紛冗不廢

嘗曰王猷愛竹豈比我哉竟坐是致疾疾革壺觴猶

在牀榻間卒年四十五從弟陳昌字孟京登永樂四

年進士第授翰林庶吉士時 朝廷廣召文學之士

纂修永樂大典孟京與編校晨入晚出未嘗以私廢

其博達明審老師宿儒多讓之性孝友家素貧幸仕

得祿而薄甘旨未嘗充其母甚樂也愛其弟恒約已



以裕之卒之時家徒四壁顧其妻曰死生常道勿戚戚身後事其在諸兄汝惟善視兩兒不可令斷絕讀書種子耳不一言及他事卒時年三十有六

孫鼎

孫鼎字公宜廬陵人永樂間以鄉舉歷江浦松江學博士甚得士心楊文定溥薦為監察御史督南畿學政立教以德行為本而文藝次之置本原錄錄諸生善行以身為率不事譏防行部令勿先知單輿猝至諸生集輒閉門面試一文或破題數首隨閱隨定畢便開門呼名而出素贖隨之先後允愜私囑者無所

本朝分省物考 卷六十四

二

江西人

胡廣

胡廣廬陵人初名廣廷試傳臚更名靖永樂初復舊名字光大齋居名晃菴因以為號十數歲喪父已有志問學內浸漬其母訓外則受從祖子貞之教故德器不凡既冠薄遊閩中前輩率忘年與交歸而從黃伯器講論得所歸宿之地而日進焉以進士第一為翰林修撰永樂入正大統陞侍讀二年陞右春坊四年進文淵閣大學士又三年卒贈資善大夫禮部尚書謚文穆國朝文臣有謚自姚廣孝與廣始 仁宗嗣位加贈榮祿大夫少師廣居官敬慎在 上前承

本朝分省物考 卷六十四

三

江西人

旨制勅視草即有所見必具可否以聞多見采納事太宗十有七年周訥建請封禪 上不聽獨廣言與上意合既退作却封禪頌奏之丁母憂召還 上問百姓安否對曰安但郡縣窮治姦惡外親為民厲遽召罷之兩考京畿鄉試四為廷試讀卷鑒別公明奉勅修 高皇帝實錄及五經四書性理大全皆為總裁志於扶植名教獎掖善類於利不苟取與於匪人不苟比小人有不滿公者屢造言毀之 上不聽遽黜毀者而廣執之愈堅意度蕭散雖身處榮祿未嘗一日忘山林幽澹閒遠之趣退惟閉戶讀書而已其

學博究經史百氏下逮醫卜老釋之談亦皆旁通爲
文援筆立就頃刻千百言沛然行雲流水之勢賦詩
取適其性情近體得盛唐之趣工書法行草之妙卒
年四十九所著有晃菴扈從集

楊士奇

楊士奇名遇以字行泰和縣人幼孤力學越章貢浮
琴江艤鄂渚登黃鶴樓與蔣隱溪子立遊慨然有幽
人貞士之志已而赴試吏部將官之尚書張統讀其
策喜曰明達時務有用之才不但文詞之工而已列
名第一授王府審理副會 成祖即位遂擢爲翰林
院編修與解縉黃淮胡廣胡儼楊榮金幼孜進內閣
典機密尋陞侍讀 上嘗諭士奇曰朕知爾文學親
權置此爾但盡心勿自疑畏士奇感 上知遇忠勤
不懈以修其職 仁宗爲皇太子又以本官兼左春
坊左中允益見寵任侍講學士王達講乾九四舉儲
貳爲說 皇太子疑其言問士奇對曰此宋儒胡瑗
說也曰與常人言亦舉此說乎對曰程子常曰卦中
六爻人人有用無所不通王昭素嘗爲宋太祖言之
矣講臣非有據豈敢妄出意見哉饒州士人朱季友
獻所著書斥濂洛關閩之說 上覽之怒曰此儒之

本朝分省人物考

卷六十四

四

江西人

賊也時禮部尚書李志剛及士奇等侍側 上示以
其書士奇曰當盡燬所著書庶幾不誤後人遣行人
押季友還饒州悉索其所著書盡焚之五年廣東布
政徐奇朝京師載嶺南土簞諸物將以饋廷臣或得
其單目以進 上閱視無士奇名獨召士奇問故將
以私交罪之士奇曰奇自都給事中受命赴廣時衆
皆作詩文贈之故有此餽臣不與名者以當時病未
有作不然亦不免今衆名雖具然受否未可知且物
微甚當無他意 上意解命中官燬其目一無所問
本年陞左春坊左諭德仍兼侍講禮部尚書鄭賜爲
侍郎趙雅所間憂鬱感疾勉強奉職如平時忽以卒
告上疑其自盡召翰林諸臣問之士奇進曰臣觀賜
病數日但未敢即安昨晚同立右順門下賜忽仆地
旁人怪賜無人氣臣遽命其屬官掖出午門外 上
聞士奇言曰微汝言幾誤疑賜賜本君子顧才不足
耳命工部與棺禮部往祭七年車駕巡狩北京 皇
太子監國 上命蹇義金忠黃淮與士奇職輔導義
於事多疑少斷常持兩端曰事當熟慮不然必有後
憂士奇曰事豈得不思但多思則惑惟據理而行
皇太子聞而笑曰自今議事擇當理者從之不必多

本朝分省人物考

卷六十四

五

江西人

思致感也春坊贊善王汝玉每以詩法進 皇太子
 皇太子以問士奇對曰殿下明經講道之暇娛意文
 字兩漢詔令皆可觀非但文辭高古亦可裨益治道
 高非所急也 皇太子曰儒者亦作詩否士奇曰儒
 者固皆作詩然儒之品有高下有德行之儒有經濟
 之儒專意詞章謂之俗儒已耳九年 上還南京一
 日退朝召士奇問曰爾輔東宮久果何如士奇以孝
 敬對 上使言其實對曰凡有事宗廟祭器皆親閱
 去年將時享頭風作醫言當汗殿下曰汗即不敢蒞
 祭左右請遣人代斥之曰 上以命我又可遣人代
 本朝不省命考 卷六十四 江蘇 高 六
 乎遂親祭祭畢汗徧體無藥疾自愈每進御用物皆
 躬閱封識遣行不輕信下人車駕北征不敢寧居恒
 月中是始食駕還而後能安 上曰此子道當然士
 奇曰古聖賢亦皆盡其當然者耳殿下天資高朗有
 過未嘗不知知之未嘗不速改又且存心以愛人爲
 本將來必不負 陛下付託之重 上悅十二年正
 旦日食先數日 上問禮部及翰林諸臣正旦日食
 百官行賀禮乎尚書呂震曰日食與朝賀不同時當
 賀士奇對曰日食天變之大者也宋仁宗時元正月
 食富弼請罷宴撤樂宰相呂夷簡不從弼曰萬一契

丹行之爲中國蓋後有自契丹還者言虜是日罷宴
 仁宗深悔今誠宜免賀 上曰君子愛人以德士奇
 言是也遂免賀及宴十四年 上聞高煦有異志還
 京師欲發其事疑未決獨召士奇問之士奇對曰臣
 事東宮外無敢與臣等言者但漢王始封國雲南不
 肯行改青州又不肯行今知將徙都北京惟欲留守
 南京天下皆疑其心惟 陛下善處之使早有定所
 上默然起還官遂命削其兩護衛處之樂安州周
 王楚王來朝謁 孝陵 上命東宮皇太子太孫及
 加陪謁翰林諸臣拜位當何如衆疑未有言
 本朝不省命考 卷六十四 江蘇 高 二
 士奇對曰二王尊屬當分列在前東官稍後居中
 皇太孫又後亦居中諸皇孫與太孫同班分列兩旁
 上出片楮所書位次與士奇言合然下有十六字未
 書授筆命士奇足之遣鴻臚寺寺丞周昇持赴陵俾
 率行之少頃復命以宸翰上 上遂以與士奇寶藏
 之十五年 皇太子命士奇纂周易本義要旨爲一
 編既進 皇太子悅賜名周易直旨踰年輯成又名
 曰周易大義本年陞翰林院學士仍兼諭德會 上
 巡北京命輔 皇太子監國二月有疾 皇太子
 賜諭并以寶鈔酒米給之二十二年八月 成祖北

征上賓學士楊榮歸自行在以聞 仁宗卽遣皇太孫往迎梓宮時京兵皆隨征在外城中空虛慮趙府兵爲變因秘未發喪 皇太子然之顧急未有所與以問士奇士奇言 上所用東官圖書今請暫假之行此一時之權歸卽進納 上卽取付太孫曰有啟事以此封識未久當歸汝汝就留之既而謂士奇曰卿言誠是昔大行臨御儲位久未定浮議喧騰吾今就以付之浮議何由與士奇曰殿下嗣位事無大小皆當盡公此收拾人心之機也恩之所及必先扈從征行之臣九月癸未尚書呂震言於 上曰今喪服

本朝分省人物考 卷六十四

江西八

已踰二十七日請如 太祖倣漢制易吉服 上時未有答震退徧語羣臣明且易從吉士奇謂震曰今未可比此例蓋洪武中有遺詔令 上於皇考可遽卽吉乎明且上素冠麻衣經出視朝文臣惟學士武臣惟英國公如 上所服罷朝 上諭左右大臣曰呂震昨奏當易服梓宮在殯吾豈忍易士奇所執是也士奇以華蓋殿大學士陞少保翰林以士奇所受誥草進呈 上取筆親增一語曰勿謂崇高而難入勿以有所從違而或怠顧謂士奇等曰此實朕心卿其勉之士奇對曰 聖德能容臣等敢不勉忠盡職

有言願不以同異爲喜怒不以喜怒爲用舍成湯改過不吝所以爲聖人茲願 陛下常以古人爲法本年十二月加少傅洪熙元年正月命士奇兼禮部尚書尋改兵部尚書士奇辭曰臣爲少傅大學士已踰涯分尚書一職更不敢當 上曰黃淮金幼孜皆三職鄉獨二職卿勿辭士奇請辭俸 上曰卿於朕勞勤二十年故賜以此祿何用辭士奇曰尚書月俸六十石可養壯士六十人臣受二俸已過分安敢再加 上曰朕成卿志乃聽辭 上監國時御史舒仲成嘗以事忤旨後已陞爲湖廣按察副使矣及卽位尚書襄義因以他事奏仲成卽命都察院逮治之士奇上疏曰向來小臣得罪者多 陛下卽位皆宥之今追理仲成卽詔書不信漢景帝爲太子召衛綰不赴卽位用綰前史建之 上喜卽罷治仲成賜士奇米及鈔幣且降勅獎諭曰卿導朕以仁助朕以德欲朕爲唐虞之君誠忠良股肱之臣也有卿如此朕復何憂二月 上以田二頃賜士奇時襄義先已受賜士奇懇辭 上曰卿事朕表裏一誠資益良多朕心不忘卿前辭祿今又辭田何執之固也士奇曰臣起自寒微今受恩踰分豈可不知止足幸少延殘喘得更

本朝分省人物考 卷六十四

江西八

事 陛下二三年獲全歸山林受賜多矣 上甚嘉悅時有上書頌太平者 上以示士奇對曰 陛下恩澤已敷但流徙尚有未歸瘡痍尚有未復遠近猶有艱食之人須休息二三年庶幾人皆得所 上笑曰誠如卿言事有未當皆須直言可也大理少卿戈謙數言事過於矯激尚書呂震等交奏其賣直沽名上頗厭之士奇進曰謙雖昧大體蓋亦感恩圖報耳古人有言王聖則臣直惟 陛下容之 上以衆言猶不憚因免謙朝而使視事如故士奇又進言曰陛下有詔求言言不當者不加罪今謙因言取咎

本朝各省人物考 卷六十四 江西八 劉光

朝臣皆以爲戒且四方朝覲之臣咸在豈能盡知謙過失若傳之遠人將謂朝廷不能容直言 上惕然曰朕非怒謙言事其言自有過實者卿可以朕心諭衆人士奇曰此非臣言能使之信當以璽書開諭可也 上遂命士奇書勅引過而待謙如初令百官言事毋以謙爲戒 上以士奇匡輔力多特賜璽書褒其功併賜御製楊貞一印一枚使藏於家傳之後世嘗論科舉須是取南北士 上曰此人學問不逮南人士奇曰長材大器多出北方今試卷例絀其姓名請於外書南北二字如當取百人則南六十北四十

南北人材皆就用矣議定未上而官車晏駕宣宗即位遂行之宣德元年高煦反車駕親征罪人既得尚書陳山迎見 上請乘勢移師彰德襲趙王則朝廷無憂矣 上以問士奇曰事當有實天地鬼神其可欺乎今日宗室惟趙於 陛下最親當思保全之豈可惑羣言 上曰吾亦思之 皇考於趙最友愛且吾惟此一叔奈何不愛今思所以保全之道欲封羣言示之自處士奇曰更得一璽書諭之尤好遂遣廣平侯袁容都御史劉觀持勅往諭且示以衆言趙王得書喜曰吾生矣即獻護衛上表謝恩而言者頓息

本朝各省人物考 卷六十四 江西八 劉光

上待趙王日親厚因薄陳山竟疎斥之二年十月黎利遣人進前安南陳王嫡孫曷表乞立爲陳氏後嗣甚懇切 上亦厭兵欲從之大臣有言此黎利之謫當發兵誅之或以爲與之無名徒爾示弱 上召士奇謀之士奇曰初求立陳氏後者 太宗皇帝之初心求之未得乃郡縣其地數年以來兵民困於交趾極矣此皆 祖宗之赤子體 祖宗之初心保祖宗之赤子正 陛下盛德何謂無名漢棄珠崖前史以爲美何謂示弱 陛下勿疑 上意遂決五年上以四方屢有水旱欲下寬恤之令獨召士奇議

之士奇曰百姓積欠薪芻及採買諸物官府但知督責而民不能輸官額重民困無聊多有委棄逃徙者當量與減除部府坐徵買辦諸物不問其地有無一槩取辦民費價十倍不能完年來刑獄不清旱澇恐由於此宜戒飭法司敦用平恕務求實情四方工匠丁男皆徵集京師役於公者無幾受私役者十六七身既勞困而妻孥失顧未免怨嘆當命官察治丁多免其半單丁者皆免老病無丁者除其籍其本非匠誣引爲匠者察實除之今軍民苦漕運而倉廩無關防姦盜相繼恬不畏法宜命風憲官巡察 上稱

本朝分省人物考

卷六十四

十一

江西八

善卽書勅明且行之民大感悅六年七月日既夕上微行至士奇宅傳呼范太監來士奇叩首曰陛下奈何以宗廟社稷之身自輕至此擾擾塵埃誰識至尊者變起倉卒何以備之且天子尊居九重恩澤未洽幽隱萬一有冤夫怨婦窺伺竊發誠不可不慮也後果獲盜如士奇言 上歎曰愛朕莫若卿朕自今不復微行矣 上問士奇今事之當寬恤者安在士奇曰逃移之民朝廷既赦使復業而家業盡喪又有公通私債之擾所在官司不能恤則必逃聚山林相結爲非請下有司凡逃民願歸者郡縣善撫恤免

其征徭不願歸者聽於所在附籍給以闕田爲經營居處免徭役三年庶使得安 上曰在彼在此皆吾民但得人安足矣又曰各處課程先因鈔法不行加倍徵收蓋一時權宜今鈔法頗通宜減倍徵之額天下課程皆納鈔惟湖廣廣西浙江商稅魚課舊皆納銀請裁爲一例 上命納銀一兩折鈔百貫士奇又言方面及郡守請令京官三品以上及布政按察薦舉務取公廉端厚能爲國爲民者吏部審其可用奏授以官後以賊犯罪併坐舉者凡因保舉授官而有指告其罪者先速問餘人有驗然後及之庶不爲小

本朝分省人物考

卷六十四

十一

江西八

人所誣年來吏員太冗多有昏愚不通請令六部都察院翰林院同考試選擇而用之軍民中有文學才行卓然出衆智謀才勇精於武略者亦宜察舉唐虞之世罪弗及嗣今極刑之家有賢子弟例不許進用今除謀反大逆外其餘犯者子孫有文學才行並宜聽用 上悉從之 英廟卽位之初士奇惓惓以天下爲心率其同列首言當整肅軍政飭邊防以奠安百姓南京雖有襄城伯李隆守備其老成忠直如尚書黃福當令叅贊軍務有事同議而後行庶幾無闕湖廣山東河南江西去年旱災人民艱食慮有囂聚

為非者宜委文武大臣各一人往鎮之事定而歸官
員冗濫宜從吏部及內外風憲官考察近 詔寬恤
軍民內外諸司當體朝廷之意凡事務從減省宜令
條奏事有應議者取自 上裁詔皆如所言又上疏
請於山陵畢日早開經筵以廣聖學 上嘉納焉遂
告諭士奇等專以擇講臣為務尋陞少師同知經筵
事士奇又念今遣御史清軍南北水土不相調習南
人死於寒凍北人死於瘴癘去鄉或萬里或七八千
里道路遙遠困於無資多致死亡臣愚欲今清出山
西山東河南陝西北直隸軍丁皆發甘肅寧夏延安
本朝分省人物考 卷六十四 江西八 經坤
大同宣府遼東諸處雲南兩廣貴州四川湖廣江西
福建浙江南直隸軍丁皆發四川雲南貴州兩廣及
邊海衛所補足其缺有以填腹裏之空則兵備有實
下人不困 上命公侯大臣議行之天下便焉又言
太祖皇帝篤意養民其餘備荒皆有定制天下郡
縣悉出官鈔糴穀各於四鄉置倉貯之因時斂散又
相其地宜開濬陂塘修築圩岸以備水患天下之民
各安其業此萬世之利歷歲既久姦弊日滋豪猾侵
漁倉穀盡毀凡諸水利亦湮廢或被占奪稍遇旱災
民無所賴風憲不舉守令漫不加心事雖若緩關繫

甚切請令戶部擇遣京官廉幹者往督理糧課豐稔
州縣各出庫物平糴儲以備荒陂塘閘壩皆令修復
具實奏聞若有災之處則候稔歲而後行郡縣官考
滿兼以廢舉為殿最庶幾官有實績荒歲人民不致
狼狽 上曰此祖宗之良法美意命戶部亟行之或
言方面官及府州縣正官專用保舉即是思出於下
欲如故事皆令吏部選除士奇等上疏曰 宣宗皇
帝勅令大臣舉保多得其人間有一二非才蓋緣舉
主審察不至亦或實是徇私所司不行糾舉以至如
此且眾臣舉保吏部審實具名奏請聖意允俞然後
授官不允即不得除授恩實非出於下也但所舉之
人後有犯賊必須明正舉主之罪則人知警畏不敢
濫舉官必得人詔如士奇議六年麓川蠻不馴當道
有貪功者希太監王振意決策征勦士奇爭之不省
其後師竟無功八年士奇子稷坐事逮繫給事中廖
莊等御史陳員韜等劾士奇不能教子齊家何以服
人事上 上優旨留用九年士奇不自安 英宗賜
璽書以慰之士奇感泣積憂遂不起卒年八十贈太
師謚文貞士奇久在朝廷惟以忠誠結主屢進密疏
所言周王求藥等事與啟 太后命史官修建文一

朝實錄及弛收方孝孺片言一字之禁又存心忠厚
急於爲善嘗爲塾師有儒士過館下士奇詢之聞其
母老無所養乃分其徒之半與之俾得束修奉母三
朝史事皆任總裁是是非非悉徵諸實每與同例曰
天下萬世之事當以天下萬世之心處之如有一毫
出於私意不論厚薄皆當獲罪神明所舉賢才列於
中外者五十餘人皆能正己恤民蓋取人必先德行
而後才能無間識與不識博詢於衆而信乃舉不得
者怨誹忿與不卹也永樂宣德中有同列譖士奇於
上者皆賴 上聖明不聽士奇聞之亦不爲憾待

本朝各省人物考

卷六十四

十七

江西人

其人如初嘗省展自江西還朝所過餽送一切不受
耿九疇時爲兩淮運使餽雞四翼如一盤卽受之且
携手而行其激揚之義默寓於交際如此所著有沙
羨稿石臺稿文籍志法書志東里集行於世當士奇
計聞時 上適有事時祭聞之震悼不已急諭禮部
賜祭工部營葬遣行人護喪歸一切贈賻悉加優渥

陳雷

陳雷字士啟以字行泰和人永樂元年興賢 詔下
士啟選中江西鄉試明年中禮部會試召入翰林爲
庶吉士修永樂大典超擢禮部祠祭郎中授奉議大

夫呂震爲尚書屬官諂附者率得近尹昌隆不爲諂
附以罪去之卒擠以死同列以是惴惴士啟獨任直
道不苟徇或舉尹戒之答曰人各有命吾恭勤於職
以聽命耳枉已媚人以求容不能也呂雖惡之卒不
能害丁內艱去服闋還舊職無幾陞山東布政司右
叅政士啟寬厚愛民於事必盡心而襟宇濶達不察
察以爲名不苛急以責效待下常采其所能而舍其
小過數行所部督徭賦不嚴期約民得自便故事集
而不擾青州歲歉郡具饑民之數 上聞朝廷遣使
偕士啟如數賑之粟比至而饑民之數倍增使者再

本朝各省人物考

卷六十四

十七

江西人

議奏俟報士啟曰民命在旦夕若再奏俟報旬浹間
餓死多矣請發奏卽出粟脫有罪請自任不敢以累
遂獨具奏 朝廷從之三載考最賜誥命授中大夫
高煦潛謀不軌稍覺士啟適至青州聞之暮夜馳歸
語三司同具密奏罪人既得士啟從陽武侯兵部尚
書錄其餘黨撫安人民遂同署名以進命清理山東
諸郡軍籍之其姦者無所容枉者賴以直宣德六年
八月卒於官年六十六

彭豫

彭豫字與志泰和人自幼岐嶷稍長讀書以明道爲

務從學安成劉雲章久而益有所得豫既孤特寒偶持之愈堅數年就聘萬安訓導以上書言事權香山丞香地遠俗器為縣者率尚苛猛豫一務寬大緣海諸衛屯兵暴橫為民害往往擇民膏腴田誣以荒廢據占自利郡縣不能制豫毅然曰奪民欺上著在國典屯不還所侵田必執不貸兵知不可犯悉還之瀕海歲旱眾禱不應豫曰豈有為文具而能格天者乎即自齋沐致禱越二日大雨霑足縣民舍火且延及官廨豫叩頭虔禱風反火滅永樂六年以七十卒於京居家事親孝執喪三年不御酒肉人未嘗見其啟

本朝各省人物考

卷六十四

十八

江西八

齒性簡淡無他嗜好惟寶愛其宗譜與先世手澤文字踰於拱壁嘗語其子若孫曰知愛此則能愛身矣聞有存其先世及劉雲章片文隻字雖百里外必奔走求錄之

彭琉

彭琉字毓敬安福人永樂甲午首領鄉薦戊戌登進士第觀政憲臺時營建京營大臣以琉才薦琉督工集事纖私不染應天諸郡咸服其廉令出無敢後期者吏受賄立置於法夫道亡者當械琉以誠感之曰能自首者免於是首者十人而九溧水有虞真素以

才力自雄為梗琉列其惡狀真計窮而出曰爾所以安於豐產者皆君上之賜也獨不知為報邪真叩首規服自後無敢梗者明年以山東夫役緩於運木復委督之令甚嚴眾為之危琉如期而還時侍郎李友直統其事嘉其能而延譽之名益著明年冬以親民職重懼知政和縣御史李宋時巡銀場懼琉不容其家人奸利乃妄致其罪謫徒沛中處之泰然自得洪熙改元用薦者授臨清教諭琉作新士習具有程法諸生莫不悅服感激奮勵多底成才琉在師席凡三典文衡楊文貞高其學行薦陞翰林編修曰是職不

本朝各省人物考

卷六十四

十九

江西八

易稱也益勵學志倦雖置不恤預修五倫書及宜廟實錄同事者服其精勤正統改元賜勅階文林郎時朝廷留意人才乃簡儒臣學行淳正者十三人授以憲職提督天下學校琉與選中陞廣東按察司僉事既蒞任立教條嚴考課歲歷郡邑開導諸生凡覺舍廢缺者增修二十餘所書籍不備者咸刻而傳之嶺南士風為之丕變科目之盛幾於中州復兼督農桑黜陟官屬奉法不撓人服其公朝廷嘉之尋陞山東按察司副使仍理學事景泰初罷提學改任湖廣奉勅督理廣西軍務益孜孜不憚勞涉未幾引疾致

仕五六年忽疾作不能言昇至正寢精神不亂意欲永訣乃秉筆以書有曰內不見已外不見人又曰保躬全歸始終不移書畢而卒天順戊寅六月所著有備忘錄慎菴等集若干卷藏於家

梁洞

梁洞字挹之泰和人永樂乙未進士擢北京行在戶曹主事改刑部既滿陞郎中宣德己酉十一月十五日卒於官年四十六初為進士奉命賑徐州饑民時蕭陽二縣民亦多饑者洞亦欲賑之有司以未有命沮者曰民皆王民可坐視其死耶有罪吾自任之

本朝分省人物考

卷六十四

二十一

江西八

高商

遂發粟賑濟多所全活事聞太宗皇帝嘉之而有司皆以坐視民患得罪其後洞詣北京至徐州二縣民服役河上見洞呼曰此吾父也嘗活我我無以報凡百十人環之拜且泣洞慰諭遣之乃得行衣不問故新必鮮潔完好居官出人騶從亦整飭如儀法曰吾不能醒醒自汗以取名人以是疑之及病卒餘財無幾田園亦不加於舊他之仕者外若循謹往往出高賞市良田深池構大厦無賴子弟恃此立聲威凌善柔鄉里怨苦之然後信疏之行非眾人所能及也

陳循

陳循字德遵江西吉安府泰和縣人蚤有文名永樂甲午舉鄉試第一名十三年乙未會試擬第一考官

梁潛以鄉曲避嫌改取林文裕又以裕字罕見改取洪英曰此洪武中英才也而循第二及廷試擢第一

授翰林院脩撰太宗時重儒臣賜第萬寶坊十六

年駕幸北京命循往南京取載秘書自一部至百部以上各取一部詣行在遂留用之十九年三殿災循

上疏多見采納洪熙改元轉侍講宣德初年與楊溥專直南官備顧問又賜第於玉河西五年庚戌擢侍

講學士時御史張楷上詩涉時政忤旨循力救之獲

本朝分省人物考

卷六十四

二十一

江西八

高商

免六年辛亥御史陳祚出按江西上疏勸讀大學衍義書疏中有左右譏淫嗜欲邪佞等語涉譏訕上不悅遣官校逮繫并籍其家時命廷臣會問循對曰是書述帝王修己治人之要誠所當讀俗士迂濶且處遠外不知聖上嘗讀之矣怒之誠當但緣於忠愛所發無他也上意稍解竟緩其法正統元年命兼經筵官甲子命入閣擢陞戶部尚書仍兼學士循奏復翰林官於早朝時當立於金臺左側於午朝時當先諸司奏事從之本年土木之變也先擁駕入關索大臣于謙胡濙王直出迎眾知其詐循奏請勅各

邊精騎入衛京師又多發榜文招諭以疑其心也先計窮復遁及也先遣使請和循等請勅諭阿剌并賞來使令回以緩其譎詐之情仍勅在京各營各邊關整朔軍馬以備從之未幾虜悔過送 上皇還京循等奏請遣使迎復還居南宮景泰八年正月 上染疾不朝十二日禮部會內閣及羣臣議請復立茂陵未及上而奪門之兵起矣徐有貞以功入閣助石亨輩謫循戍遼東鐵嶺衛未幾詔還鄉以壽終循久在詞垣深知典故應酬揮筆立就入閣掌機務典冊制命皆出其手屢為考官去取精當所著有芳州集

錢習禮

本朝分省人物考

卷六十四

江西人

錢幹字習禮以字行吉水縣人自幼喜學凡所師友者見其文敏而思深且多出腹藁莫不奇其才永樂六年江西鄉試第一明年會試第十時 車駕幸北京廷試不果由是從遊京師間縱觀 聖朝政化之美聲名文物之盛四方萬國謳歌朝覲之會同而才益進九年廷試賜進士入翰林為庶吉士尋陞檢討叅史職甲辰會試命為同考八月 仁宗即位一新庶政陞翰林侍讀與知制誥洪熙元年勅同修 成祖實錄及 仁宗升遐 宣宗正大位又勅同修

仁宗實錄詔許展墓焚黃承命以往丙午促召還京命完修實錄二年春闈命為同考官二年戊申元夕賜文武近臣觀燈萬歲山賜宴及文臣賦詩以進賜之鈔四年八月應天府鄉試命為考官十二月朔霜寒甚 上命光祿賜在廷羊酒以禦寒五年兩朝實錄成賜金織襲衣銀幣考禮部會試陞翰林院侍讀學士七年主考北京鄉試十年乙卯春 宣宗晏駕英宗即位二月上 宣宗尊號賜白金秋九月詔修 宣宗實錄十二月賜文綺丙辰正月改元正統大臣建議開經筵詔可其奏命為講官三月 上臨

宣宗實錄

上御奉天門慰勞甚至賜白金文綺

織金衣襲陞翰林學士賜宴於禮部八月應天府鄉試命為考試官四年充廷試讀卷官六年掌院事尋考北京鄉試七年為行婚禮賜紗衣紗帽金廂香帶等物九年三月大新國學成 上祇謁先聖躬行釋奠禮幸彝倫堂命祭酒司業以書易進講從臣坐聽命與其列七月上章乞致仕弗允十年禮部春試上復命為考官三月進五倫書蒙賞賚冬十月 欽陞禮部右侍郎縉紳往賀之對曰吾今任有司職矣

軒策士命讀卷勞以羊酒賜宴於禮部戊午四月進

何以賀爲時朝廷稽古右文事多由禮部兼署
事益敬畏偶因病求去益切詔許之公卿大夫饋
出都門皆有詩乃獨取歸去來辭長歌以自快爲人
孝友忠信篤於倫誼待姻戚故舊曾無悖於理者歷
官三十餘年以文章議論爲士類所敬樂於教人學
者亦樂從之遊生平雅負山水之樂遇佳時暇日擇
勝往游長篇短章發於歌詠以揚太平之盛美及老
而歸熙老之堂子孫侍教者十五年此所著述論思
聯爲大卷有應制集詞垣續藁歸田藁藏於家天順
九年卒年八十九謚曰文肅

朝分省人物考 卷六十四 江西八 二十四 高深

余學夔

余學夔泰和人永樂甲申進士選爲庶吉士累官侍
講宣德間預脩兩朝實錄書成當選學夔上疏乞致
政歸平生負直氣非所當得一毫不取家無餘資而
博古好學孜孜不倦以終其身云

朱與言

朱與言萬安人永樂壬辰進士歷官湖廣僉事四川
副使凡所舉措極得憲體擢副都御史立朝侃侃有
氣節每有封章皆切時政多見嘉納後以疾乞歸卒
于家

羅汝敬

羅汝敬吉水人永樂甲申進士選爲庶吉士預修實
錄陞侍講以言時政改監察御史交趾反廷議舉汝
敬陞工部侍郎往諭以順逆禍福交人震恐巡撫陝
西一方仰賴尋致仕卒所著有寅菴集

郭循

郭循廬陵人永樂中進士擢刑部主事尋遣往南京
錄囚於枉抑多所伸雪嘗論列政務極言營繕之事
因政工部官至廣東參政

李禎

本朝分省人物考 卷六十四 江西八 二十五 朱榮
李禎字昌祺僑菴白衣山人運甓居士其號也廬陵
人父伯夔力學工詩名聞當時禎成童屬對賦詩語
出驚人一時才俊若禮部侍郎曾棨輩相與頡頏聲
名不相上下舉永樂癸未進士翰林庶吉士會脩永
樂大典禮部奉 詔選中外文學之士禎在選中凡
經傳子史以及稗官小說悉在收錄同事者推其該
博擢禮部主客司郎中尚書呂震有巧佞才狠愎自
用僚佐少忤其意輒中傷之而待禎特異始終不少
衰 駕幸北京洪熙以 皇太子監國兩命權知部
事行在吏奏藩憲員闕 上命簡兩京朝臣有才望

者補之於時舉禎等若干人應召宴於禮部子道里費至卽陞爲廣西左布政使尋丁外艱去先是河南連歲旱蝗民多死徙 上震怒被災郡縣有司不以聞者悉逮寘於法思得人以撫安其民改禎往蒞河南旣至宣布 主恩疏滯舉賢救災恤患繩豪猾去貪殘居數月政化大行丁內艱歸河南薦饑本司累奏起禎治之 上命奪情乘傳赴官爲治如初勤勞倍之因感風疾往往增劇不待引年堅乞致仕旣歸而先廬僅庇風雨服食清約如寒士伏臘不充處之裕如居雖密邇近城足迹未嘗至公府守長於政

本朝名物考 卷六十四

三十一

江西八

務有所咨決極言無隱病間輒書不去手吟咏自娛疾革遺訓二子以力學脩身餘無他語儵然而逝所著有集若干卷

李時勉

李時勉名悉以字行安福縣人五歲卽知學七歲小學四書皆能成誦甫成童言動以禮旣長大肆力於學夜以達旦隆冬盛暑無間永樂甲申成進士選庶吉士預修 太祖實錄守制服闋起復授刑部主事仍與纂修書成轉侍讀三殿災 詔求直言時勉條陳十五事 成祖嘉之未幾被讒下獄旣而宥之癸

卯以楊榮薦復其官洪熙初上疏言事忠讜切直上怒命武士以金瓜捶十數下傷肋幾死明日改監察御史又明日下錦衣衛獄 宣宗卽位謂左右曰李時勉能直言忠臣也召對於萬歲山 命誦前所上疏時勉誦至六事少止曰 天威嚴重不能詳記上微笑曰正事難言耳問奏稿在否已焚之矣 特命宥之宣德五年修 兩廟實錄成進侍讀學士一日 上幸史館撤金錢於地衆爭取之時勉端立不動 上親取袖中餘錢賜之正統三年戊午陞學士掌院 上御經筵命兼經筵官每當進講必盡誠敬

本朝名物考 卷六十四

三十一

江西八

冀有所感悟 上亦爲之傾聽聞者莫不稱善以爲范惇夫其人也六年遷國子祭酒旣蒞任崇廉耻抑奔競剔賢否示勸懲士習丕變諸生有疾躬爲醫療至於貧不能娶死不能殯者皆爲營辦恩義兼盡不啻父子七年七月疏奏歷事監生永樂間惟循入監年月次第撥歷往歲祭酒陳敬宗奏准惟筭在堂每月淺深其言已行矣然兩監仍以監生省祭丁憂在家月日准作坐堂此所以延任至十餘年也及其起程則捏稱丁祖父母或繼母嫡母憂府州縣保送赴部復監卽將取撥做做成風不可遽止今後惟以坐